

FA'AMATALAGA MO SE POLOA'IGA PUIPUIA MO LE SAUĀINA I AIGA UA FAI E SE ISI FA'ASAGA IĀ TE OE

E tatau ona e mulimulita'i i le poloa'iga ne'i lokaina oe ma molia i se solitulafono.

Mulimuli i le poloa'iga tusa pe

- fai mai lē na talosagaina e lē afaina ma mana'o e feso'ota'i mai iā te oe,
- na pepelo lē na talosaga ina ia maua ai le poloa'iga,
- na iai se sesē o le fa'amasino i luga o le poloa'iga, po'o
- o oe le tagata sauāina i le sauāga i totonu o aiga.

Afai e te mana'o e faila mo sau lava poloa'iga puipua, faitau *Instructions: How to Get a Domestic Violence Protective Order* (pepa fa'atumu [DV-150](#)), maua i le [ak-courts.info/dv150sa](#).

Mo nisi fa'amatalaga: [ak-courts.info/pub23](#)

A iai ni au fesili pe e te mana'omia se fa'aliliuupu, fesili i le fale fa'amasino o lou lotoifale mo se fesoasoani.

O le a le Poloa'iga Puipua mo le Sauāina i Aiga?

O le poloa'iga puipua e sainia e se fa'amasino ma poloa'iina ai oe e fai pe 'aua le faia ni tulaga ma'oti. Mo se fa'ata'ita'iga, o poloa'iga puipua e masani ona ta'u atu i se tasi e aloese mai se isi tagata ma 'aua ne'i toe feso'ota'i ia i latou.

O le talosaga mo se poloa'iga puipua e **lē** tutusa ma le ripoti o se solitulafono i leoleo. O poloa'iga puipua o ni mataupu sivili.

E ono iai sau mataupu soligatulafono matuiā e feso'ota'i ma le mea na tupu lea e mafua ai le poloa'iga puipua. Afai o lau mataupu solitulafono matuiā e iai se poloa'iga "lē feso'ota'i", e tatau ona e usita'ia uma **le lua**, le poloa'iga solitulafono matuiā ma le poloa'iga puipua sivili. Afai e sili atu le fa'asāsā o le tasi poloa'iga nai lo le isi, mulimuli i le poloa'iga e tele ona fa'asā. **'Aua ne'i toe iai se feso'ota'iga ma le isi tagata vaganā ua lē toe iai ni poloa'iga.**

O ā aiaiga e tatau ona ou iloa?

Tagata Talosaga. O le tagata na fesili i le fa'amasinoga mo se poloa'iga puipua. E mafai e se mātua po'o se tausitama fa'aletulafono ona faila se talosaga mo se tamaititi. O se tausisoifua fa'aletulafono e mafai ona failaina se talosaga mo se tagata matua ua na lē gafatia.

Tagata tali mai. O le tagata na fesili le tagata talosaga ina ia puipua mai ai. Afai na fa'ao'oina atu ia te oe se poloa'iga puipua, o oe la o le tagata tali mai.

Talosaga. O le pepa na faila e le tagata talosaga i le fa'amasinoga e fesili ai mo se poloa'iga puipua. E ta'u mai ai pe aiseā ua manatu ai le tagata talosaga na te mana'omia se poloa'iga puipua.

O ā ituaiga poloa'iga puipua mo le sauāina i aiga?

Se Poloa'iga Puipua Pu'upu'u (e ta'ua fo'i o le poloa'iga "ex parte") e aogā e o'o i le 20 aso. E mafai ona toe fa'aopoopo e le fa'amasino se isi 20 aso pe afai (1) e te le'i maua se kopi o le poloa'iga i totonu o le 20 aso muamua, ma e mana'omia e le 'au fa'amalosi tulafono se taimi fa'aopoopo e avatu ai ia te oe; po'o (2) lou malie e fa'aumiumi atu; po'o (3) ua maua e le fa'amasino se mafuaga lelei e fa'aumiumi ai ina ua uma ona fa'alogo iā oulua uma ma le tagata talosaga. Ua tu'uina mai e le fa'amasino le poloa'iga e fa'avae i mea na tusi e le tagata talosaga i le talosaga ma le molimau a le tagata talosaga i le iloiloga, pe afai na fai se iloiloga.

Se Poloa'iga Puipuia Umi e aogā mo le tausaga e tasi. Se'iloga e uma se iloiloga i le fa'amasinoga ona mafai lea e se fa'amasino ona tu'uina mai se poloa'iga umi. E tatau ona lē itiiti i le 10 aso e te maua ai le fa'aaliga o le iloiloga ma ia maua se avanoa e te tautala ai i le iloiloga ma ta'u i le fa'amasino lau itu o le fa'amatalaga. A e lē alu i le iloiloga, e mafai e le fa'amasino ona tu'uina le poloa'iga e aunoa ma se upu mai ia te oe. O le matāfaioi a le 'au fa'amalosi tulafono le fa'aailoa atu ia te oe le iloiloga.

Poloa'iga Puipuia uma e lua, o le Pu'upu'u ma le Umi. Afai e aoi le tagata talosaga mo ituaiga poloa'iga uma e lua, o le a iloilo e le fa'amasino le talosaga i le aso lava na faila ai ma filifili pe tu'uina mai le poloa'iga pu'upu'u pe leai. Afai e tu'uina mai e le fa'amasino le poloa'iga pu'upu'u, o le a fa'atulaga e le fa'amasinoga se iloiloga pe a ma le 2-3 vaiaso e filifili ai pe tu'uina mai le poloa'iga umi pe leai (va'ai le parakalafa o i luga). Afai e te'ena e le fa'amasino le poloa'iga pu'upu'u, e ono fa'atulaga se iloiloga mo le poloa'iga umi pe leai fo'i.

FA'AALIGA: E iai fo'i le ituaiga poloa'iga e ta'ua o le **Poloa'iga Puipuia Fa'afuase'i** e 72 itula le umi. Na'o le 'au fa'amalosi tulafono e mafai ona failaina ma e fa'avae i mea e ta'u e le tagata talosaga i ē fa'amalosi tulafono. E lē mafai e le tagata talosaga po'o ē fa'amalosi tulafono ona fa'aumi le poloa'iga fa'afuase'i e silia i le 72 itula. E lē mana'omia lou tali atu i se poloa'iga fa'afuase'i na o le usita'i iai. E seāseā fai le ituaiga poloa'iga lea ma e lē toe talanoaina atili.

O le ā le fa'amaoniga e mana'omia e le tagata talosaga ina ia maua ai se poloa'iga puipuia?

E lua vaega o le "sauāina i aiga" e tatau ona fa'amaonia e le tagata talosaga:

1. E iai le ituaiga **mafutaga** a le tagata talosaga ma oe. O ituaiga mafutaga ia e ta'ua o "totino i fale" i le tulafono, ae le tuli ina tou nonofo fa'atasi ina ia e agava'a ai. E iai le lisi o ituaiga mafutaga agava'a o lo'o i le itulau e 5 o le pepa lenei.
2. Na e faia le solitulafono fa'asaga i le tagata talosaga. Na'o ni solitulafono (e ta'u o "solitulafono tau sauāina i aiga" i le tulafono) e agava'a mo se poloa'iga puipuia mo sauāga i aiga. E lē tau ta'ua e le tagata talosaga le igoa o le solitulafono. E i le fa'amasino le filifiliga pe na soli le tulafono e fa'avae i luga o fa'amatalaga a le tagata talosaga i le mea na tupu. E iai le lisi o solitulafono tau sauāga i aiga i le fa'ai'uga o le pepa lenei.

E fa'afefea ona ou iloa pe na maua e se isi se poloa'iga puipuia pu'upu'u pe na fesili mo se poloa'iga puipuia umi fa'asaga iā te a'u?

Afai e tu'uina mai e le fa'amasinoga se poloa'iga puipuia pu'upu'u, e tatau i le 'au fa'amalosi tulafono (leoleo lotoifale, leoleo a le setete, VPSO, ma nisi) ona avatu iā te oe se kopi o le poloa'iga ma fa'amalamalama atu ia te oe. O le mea lea e ta'ua o le "tautua." Faitau ma mulimuli i mea uma o i le poloa'iga. Afai e te lē faia, e ono loka oe ma molia i se solitulafono.

Afai e fa'atulaga e le fa'amasinoga se iloiloga mo se poloa'iga umi, e tatau i le 'au fa'amalosi tulafono ona avatu iā te oe:

- se kopi o le talosaga na faila e le tagata talosaga. E fesoasoani lena e te iloa ai po'o le a le tala a le tagata talosaga i le mea na tupu, ina ia e sauniuni ai mo le iloiloga umi.
- se fa'aaliga e iai le aso, taimi, ma le nofoaga o le iloiloga i le lumana'i. O nisi taimi e aofia atu le fa'aaliga lenei i le poloa'iga puipuia, a o nisi taimi e avatu ese. O le iloiloga o lou avanoa lena e ta'u ai i le fa'amasino lau itu o le fa'amatalaga. Afai e te maua le fa'aaliga a e lē 'auai i le iloiloga, o le a fai le fa'ai'uga a le fa'amasino pe tu'uina atu le poloa'iga puipuia e aunoa ma se upu mai iā te oe. Afai e te maua le fa'aaliga i lalo ifo o le 10 aso ae le'i faia le iloiloga, e mafai ona e fesili i le fa'amasinoga e toe fa'atulaga le iloiloga ina ia lava se taimi e te sauniuni ai.

Afai na e maua le tala i le poloa'iga puipuia po'o le iloiloga i le fa'amasinoga mai se isi auala e ese mai le 'au fa'amalosi tulafono, fa'afeso'ota'i ē fa'amalosi tulafono o le lotoifale e maua ai se kopi tusitusia o le poloa'iga. E mafai fo'i ona e fa'afeso'ota'ia le fa'amasinoga na tu'uina mai ai le poloa'iga mo nisi fa'amatalaga. Tusa pe le'i fa'ao'o atu iā te oe le poloa'iga, e lelei pe a aloese mai le feso'ota'i ma le tagata talosaga.

E mafai ona fa'asalaina a'u ua solitulafono pe a fai se poloa'iga puipuia e se isi fa'asaga iā te a'u?

O se poloa'iga puipuia sivili e lē o se mataupu solitulafono. E lē mafai e le fa'amasino i lau mataupu o le poloa'iga puipuia ona ave oe i le falepuipui pe poloa'iina oe e tologi se sala tupe. Peita'i, e mafai ona fa'asala oe ua solitulafono pe a

- faila e leoleo po'o le loia a le mālo se mataupu solitulafono fa'asaga iā te oe i le a'afiaga e feso'ota'i ma le poloa'iga puipuia, ma ua maua ane na e faia le solitulafono lena. E maua ese atu se fa'aaliga o ni moliga i se solitulafono. E mafai ona e tete'e i ai e pei lava o se isi moliga o se solitulafono.
- e lē mulimuli i le poloa'iga puipuia. E mafai ona molia oe i le solitulafono e ta'ua o le "solia o le poloa'iga puipuia." Afai e maua ane ua e solia le tulafono, o le sala e lē silia i le tausaga e tasi i le falepuipui ma le sala tupe e lē silia i le \$25,000.

Tāua: E mafai ona molia oe ua soli le poloa'iga puipuia pu'upu'u, tusa pe lē mafai e le tagata talosaga ona fa'amaonia le mea na tupu i le iloiloga mo se poloa'iga puipuia umi. Mo se fa'ata'ita'iga, ua ave e le fa'amasinoga i le tagata talosaga le poloa'iga puipuia pu'upu'u fa'asaga iā te oe. Ua e solia le poloa'iga ma molia oe i le solia o le poloa'iga puipuia. Ua e alu i le iloiloga mo le poloa'iga puipuia umi ma ta'u i le fa'amasino lau itu o le fa'amatalaga. Ua te'ena e le fa'amasino le poloa'iga puipuia umi. E mafai lava ona ta'usalaina oe i le solia o le poloa'iga puipuia pu'upu'u i le taimi na aogā ai.

O le ā le mea e tupu pe afai e iai sa'u fanau?

Afai e iai sa lua fanau ma le tagata talosaga. E ono aofia i le poloa'iga puipuia ni poloa'iga fa'ata'ata i se fa'atulaga o le tausiga, ni asiasiga va'ava'aia pe fe'avea'i, po'o le tausiga tau tupe.

Afai e iai se isi au tausiga e ese mai, fa'aipoipoga tatala, se tete'aga, po'o se isi mataupu sivili e a'afia ai tamaiti, e ono ese poloa'iga o lau mataupu poloa'iga puipuia nai lo poloa'iga o le isi au mataupu. Ia e mulimulita'ia poloa'iga o le mataupu poloa'iga puipuia. E **malosi atu** i lo se isi poloa'iga o ni tausiga, fa'aipoipoga tatala, se tete'aga, po'o nisi mataupu sivili.

Afai e tu'uina mai e le fa'amasino se poloa'iga puipuia umi, e ono fa'atonuina e le fa'amasino i lau mataupu tausiga, fa'aipoipoga tatala, tete'aga, po'o se isi mataupu sivili ni asiasiga va'ava'aia ma lau fanau. E ta'u atu e le fa'amasino iā te oe pe fa'afefea ona e maua ni asiasiga e lē va'ava'aia. E masani ona mana'omia ai lou 'auai i se polokalama.

Afai e iai sau fanau ma se isi tagata. I le tulafono a Alaska, afai e iai se poloa'iga puipuia umi fa'asaga iā te oe, e ono lē fa'atagaina oe e te tausiga pe fai ni asiasiga lē va'ava'aia ma lau fanau, tusa po'o le tagata talosaga e lē o se mātua po'o se tausitama o tamaiti na. Afai e tupu le tulaga lena, o le a fa'amalamalama atu e le fa'amasino o le isi mataupu e a'afia ai lau fanau le mea e te faia e fa'amuta ai le vavao lea. E masani ona mana'omia ai lou 'auai i se polokalama.

O le ā le mea e tupu i a'u mea ma mea e ona fa'atasi e ma'ua ma le tagata talosaga?

E ono ave e le poloa'iga puipua i le tagata talosaga mo se taimi lē tumau lo lua fale fai fa'atasi, o fagafao, ta'avale, ma nisi mea totino. E iai le vaega o le poloa'iga puipua e ta'ua, "Fa'atonuga o le Fesoasoani". I le vaega lea, e ono fa'atonuina e le fa'amasino ē fa'amalosi tulafono e

- fesoasoani i le tagata talosaga e aumai mea o lo'o lisi atu i le poloa'iga puipua. E tatau ona e fa'amatu'u atu mea na i le tagata talosaga se'ia uma le malosi o le poloa'iga puipua pe sua. E lē afaina po'o ai e ona ina ia mea.
- fesoasoani iā te oe e aumai au meatotino mai le lua fale fai fa'atasi. E sili le fa'afeso'ota'i le 'au fa'amalosi tulafono i le ao, ae le o pisi tele latou. E na'o le 15 minute e te maua, ia e mafaufau lelei i mea e sili ona tāua e te mana'omia ae te le'i alu. Afai o iai le tagata talosaga, 'aua le tautala i ai. A iai ni au fesili, fai i le ali'i ofisa. E lē fa'atagaina oe e le ali'i ofisa e ave se mea e tete'e i ai le tagata talosaga.

Afai e le'i uma ona poloa'iina e le fa'amasino le 'au fa'amalosi tulafono e fesoasoani iā te oe i le aumaiga o au mea (pe ete mana'omia ona toe alu fa'alua), e mafai ona e fesili i le fa'amasino e fa'aopoopo lena i le poloa'iga. Va'ai le fesili i lalo pe fa'afefea ona sui le poloa'iga.

Fa'afefea ona ou fa'alalamalama i le fa'amasinoga ou te lē malie i le poloa'iga puipua?

Afai e iai se poloa'iga puipua pu'upu'u (20 aso) fa'asaga iā te oe, e lua au filifiliga:

1. Aioi e sui pe fa'amuta le poloa'iga puipua pu'upu'u. Va'ai i le fesili o soso'o mai.
2. Afai e iai se iloiloga umi ua fa'atulaga, mulimuli i aiaiga o le poloa'iga puipua pu'upu'u se'ia o'o i le iloiloga, ona ta'u lea i le fa'amasino lau itu o le fa'amatalaga i le iloiloga umi.

Afai e iai se poloa'iga umi (tasi le tausaga) fa'asaga iā te oe, e mafai ona e talosaga e sui pe fa'amuta le poloa'iga puipua umi. Va'ai i le fesili o soso'o mai.

Fa'afefea ona ou fesili i le fa'amasinoga e sui pe fa'amuta le poloa'iga puipua?

A uma ona tu'uina mai e le fa'amasino le poloa'iga puipua, e mafai ona e fesili i le fa'amasino e

- sui (fesuia'i) le poloa'iga. O lona uiga e tumau pea le poloa'iga, ae te mana'o e sui nisi aiaiga. Mo se fa'ata'ita'iga, e te mana'o i se fa'atulagaga ese mo asiasiga ma tamaiti pe e te mana'omia ni feso'ota'iga fa'atapula'a ma le tagata talosaga e talanoaina ai tulaga tau tupe. Fa'aaoga le *Request to Modify Protective Order* (pepa [DV-131](#) po'o [DV-131M](#)).
- fa'amuta (fa'alēaoga) le poloa'iga. O lona uiga o le a matuā soloiesea le poloa'iga. Afai e lē malie i ai le tagata talosaga, e tatau ona e fa'amaonia e iai se suiga iloga ua tupu talu ona tu'uina mai le poloa'iga e le fa'amasino. E lē toe faia e le fa'amasinoga le iloiloga lava lea e tasi. Fa'aaoga le *Request to Dissolve Protective Order* (pepa [DV-133](#) po'o [DV-133M](#)).

E maua kopi o pepa fa'atumu i le ofisa o le failautusi o le fa'amasinoga, ma e maua i luga o le initaneti i le ak-courts.info/dvforms.

Afai e te talosaga e sui pe fa'amuta se poloa'iga pu'upu'u, e masani ona fai se iloiloga a le fa'amasinoga i totonu o le 72 itula. Afai e te talosaga e sui pe fa'amuta se poloa'iga umi, e masani ona fai se iloiloga a le fa'amasinoga i totonu o le 2-4 vaiaso. E tatau ona e alu i le iloiloga ina ne'i te'ena lau talosaga.

Ia fa'amautinoa o lo'o lelei au auala o feso'ota'iga (aemaie lava numera telefoni ma tuātusi imeli) ina ia mafai ona avatu e le fa'amasinoga se fa'aaliga o le iloiloga. Afai e te mana'o e teu fa'alilolilo au fa'amatalaga feso'ota'i mai le tagata talosaga, fesili i le failautusi a le fa'amasinoga pe fa'afefea ona fai lena.

Tāua: Fa'aauau le usita'ia o le poloa'iga puipuia vaganā ua sui e le fa'amasino pe fa'amutaina mai i se tusitusiga. Afai e sui pe muta le poloa'iga puipuia i le mataupu sivili, e **lē** suia ai poloa'iga i so'o se mataupu solitulafono e feso'ota'i ma le a'afiaga lea e tasi. E fa'apena fo'i pe afai e fa'agafua se mataupu solitulafono pe suia poloa'iga lē feso'ota'i i se solitulafono, e **lē** suia ai le poloa'iga puipuia sivili. Tusa pe sui pe muta le tasi poloa'iga, e tatau lava ona e mulimulita'i pea le isi poloa'iga. **'Aua ne'i feso'ota'i ma le isi tagata vaganā ua lē toe iai ni poloa'iga.**

E iai ni tulafono a le feterale e tatau ona ou iloa?

I lalo o le 18 USC § 922(g)(8), e ono lē fa'atagaina oe e ona pe tauave se auupega malosia pe afai na iai se poloa'iga puipuia umi o sauāga i aiga na tu'uina mai e fa'asaga iā te oe. Atonu e talafeagai pe lē talafeagai fo'i lenei tulafono i lau mataupu, e fa'alagolago i le ituaiga mafutaga a oe ma le tagata talosaga ma fa'atonuga fa'apitoa na faia e le fa'amasino i le poloa'iga puipuia. E **lē** fa'atatau lenei tulafono i poloa'iga puipuia fa'afuase'i po'o le pupu'u.

SOLIGATULAFONO E A'AFIA AI LE SAUĀGA I AIGA

Ina ia agava'a o se solitulafono tau sauāga I aiga:

- E tatau ona faia pe fuafua se soligatulafono; ma
- O le solitulafono e tatau ona faia e se tagata o le aiga lea aga'I I se se isi tagata o le aiga lava lea; ma
- O le solitulafono e tatau ona iai I le lisi o solitulafono I le settee50 a Alaska, po'o se soiliga o se tulafono uiga fa'atasi a se isi nu'u po'o se setete.

O le uiga o "tagata o le aiga" i lalo o tulafono tau sauāga i aiga a Alaska:

(1) Tagata matutua po'o tamaiti e lāvea i se tasi o mea nei po'o le tele atu fo'i:

- to'alua i le taimi nei po'o se taimi ua te'a
- nonofo fa'atasi pe sa nonofo fa'atasi i le taimi ua tuana'i
- o lo'o fai se mafutaga fa'aleuō pe feusua'i (pe sa fa'apena i le taimi tuana'i)
- e aiga i le toto po'o se tamafai e o'o i le "fa augātupulaga le so'otaga"
- e aiga pe sa aiga e ala i le fa'aipoipoga
- e iai se la tama fa'atasi

(2) Fanau laiti a se tagata e lāvea i so'o se mafutaga o tā'ua i le vaega (1).

Lisi o solitulafono e agava'a mo se poloa'iga puipuia o sauāga i aiga:

Fa'ao'olima o le fa'amanu'alia o le tino o se isi e se tasi tagata, po'o le fa'amata'u e se isi o le ana fa'amanu'aina se tasi tagata ma ono fa'ataunu'u loa lena folafolaga. Afai na iai se fa'amata'u, e ono mafai ona maua sau poloa'iga puipuia tusa pe le'i manu'a lou tino i le tagata tali mai.

Susunu Meatotino po'o Solitulafono Mu Fa'atamala o le fa'aleagaina e se isi ni meatotino a se tasi tagata e ala i le amata o se afi po'o se fa'apa salalau. O le susunu meatotino fo'i le fa'aleaga o au lava meatotino i se afi po'o le fa'apa salalau pe afai e lamatia ai se isi tagata ma ono manu'a tigaina ai.

Ulufale e gaoi pe a ulufale ma tumau ai totonu o se fale e lē tusa ma le tulafono ma le fa'amoemoe e fai se solitulafono i totonu o le fale.

Ulavale solitulafono pe a fa'aleaga fa'amoemoeina e se isi meatotino a se tasi tagata. O le ulavale solitulafono fo'i le fa'aleagaina o ni mea totino e aiā tutusa i ai lē **na** fa'aleagaina ia meatotino.

Sopotuāoi solitulafono pe a ulu se tagata pe tumau ai i luga o se fanua, totonu o se fale, po’o totonu o se ta’avale e lē tusa ma le tulafono.

Agaleaga i fagafao pe a fai ma le iloa le fa’amanu’a pe tapē se meaola o se fagafao, ma le fa’amoemoe e fa’apopole, fa’amata’u, pe fa’afefe se isi tagata.

Soso’i tu’utu’uga o le tausiga pe a ave ma taofi e se tagata o se aiga se tamaitiiti e aunoa ma se aiā tatau fa’aletulafono, **ma** e fa’amoemoe lea tagata e taofi le tamaitiiti mai le tausitama fa’aletulafono mo se taimi umi. O se fa’ata’ita’iga o se mātua e te aveesea se tamaitiiti mai se setete ina ia taofia ai mai le isi mātua mo se taimi umi, ae leai sona aiā fa’aletulafono e fai ai lea mea. E **lē** o se soso’i tu’utu’uga o le tausiga pe a lē fa’afoi maia e le mātua le tamaitiiti i le taimi na malilie ai.

Ave fa’amalosi ma fa’amata’u o solitulafono e ta’ua fa’alaua’itele o le “fa’afefe mo se tau.” E a’afia ai se isi e fa’amata’u o le a fa’amanu’a po o se isi ituaiga lamatia ina ia maua meatotino a se isi, po’o le fa’amalosi o se isi e fai se mea e lē loto i ai. O le fa’ata’ita’iga o se isi e fa’afefe atu oe o le a fa’ailoa se mea matagā e uiga ia te oe i luga o le initaneti vaganā ua e avatua se tupe.

Fa’asoesā pe a fa’apena se isi ma le fa’amoemoe e fa’alavelave pe fa’apopole se isi tagata:

- vala’au i le telefoni ma lē tapunia, ina ia le mafai ai e le isi tagata ona vili nisi pe vala’au mai fo’i nisi; po’o
- vala’au mai fa’afia i le telefoni i itula lē talafeagai; po’o
- vala’au mai po’o le fai o feso’ota’iga fa’aeleterone e lē iloa ai ia po’o le masoā, pe fa’amata’u mai le fa’amanu’alia o le tino po’o le feso’ota’iga tau feusua’iga; po’o
- lolomi ma fa’asalalau ata, po’o ni vitiō e fa’aali mai ai totoga sa o le isi tagata, muli, po’o susu o fafine, po’o fa’aali mai ai le isi tagata o lo’o fai feusua’iga.

Ave fa’ananā pe a taofi se isi tagata ae lē loto i ai. E masani, ua fa’amoemoe le tagata lea e fa’ao’olima i le tino pe feusua’i ma le isi tagata, e tupu ai se lamatiaga matuiā e i’u ina manu’a tigaina ai le isi tagata, po’o le nanā o le isi tagata ina ia lē toe maua.

Lamatia fa’avalevaleyalea pe a tupu se lamatia tetele po’o se manu’a matuiā i se isi ona o le amio po’o aga a se tasi tagata. O se fa’ata’ita’iga pe afai o lo’o uli lau ta’avale i luga o le alatele, ae fa’afuase’i ona tago mai le pasese i le foeli, ma taumafai e fa’amalosi ese oe ma le auala ma foliga mai o le a tupu se fa’alavelave matuiā i le ta’avale.

Gaoiga pe a fa’aaogā le malosi, pe fa’amata’u o le a fa’aaogā le malosi, e ave ai tupe po’o ni meatotino mai se isi tagata. O le tupe po’o meatotino e tatau ona iai i le tagata lea pe latalata ane iai i le taimi e fa’aaogā ai le malosi po’o le taimi e fa’amata’u ai.

Solitulafono tau feusua’iga e aofia ai uma ituaiga feusua’iga ma le fa’ao’olima, feusua’iga faileaga o se tamaitiiti, feusua’i ma ē aiga, ma le telenoa. O le feusua’i fa’ao’olima e mafai ona tupu tusa pe fa’aipoipo tagata `auai. E aofia ai solitulafono e a’afia ai ata lomía o itutino sa ma feusua’iga ma tamaiti, a’o isi solitulafono e feso’ota’i ma ata lomía tau feusua’iga e masani ona lē aofia ai.

Tulituliloa pe a faifaipea le fa’afeso’ota’i o le isi tagata e aunoa ma le malie iai o le tagata lena, **ma** o feso’ota’iga e ono tupu ai le fefe o le isi tagata ne’i fa’amanu’alia lona tino po’o le oti.

Fa’amata’u fa’aterorisi pe a ta’u e se isi o lo’o iai se tulaga e lamatia ai le ola o se tasi tagata ma tupu ai le fefe ma le popole ne’i lavea. O se fa’ata’ita’iga pe a vala’au mai ia te oe i le telefoni ma fa’amata’u mai e fana oe pe a e aluese ma le fale. O le solitulafono fo’i pe a aveese tagata mai se fale po’o nisi tulaga matuiā e lē nofo lelei ai se vaega o ni tagata, ona o le fa’amata’u.

Solia se poloa’iga puipua pe a fai e se isi se mea ua fa’asaina e `aia le faia mai se poloa’iga puipua o sauāga i aiga, tulituliloa, po’o le feusua’i ma le fa’ao’olima.